



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2021:226216
Datë: 09.06.2023
Numri i dokumentit: 04379484

Ka. nr. 222/2023

GJYKATA E APELIT E KOSOVËS, në Kolegjin e përbërë nga gjyqtarët: Azra Cakolli kryetare e Kolegjit, Ramiz Kuqi dhe Skender Çoçaj anëtarë, në çështjen kundërvajtëse ndaj të pandehurit Subjekti ekonomik - Person juridik "AMV HOLDING" SH.P.K, me seli në fshatin Banjë – Komuna e Vushtrisë, me pronar Labinot Hasanin, për kundërvajtje nga neni 4 të Ligjit Nr. 2004/05 për Tregti me Naftë dhe Derivate të Naftës në Kosovë, e sanksionuar sipas nenit 14 par.1 të Ligjit Nr. 03/L-138 për Ndryshimin dhe Plotësim të Ligjit Nr. 2004/05 për Tregti me Naftë dhe Derivate të Naftës në Kosovë, duke vendosur sipas ankesës të paraqitur nga Ushtruesi i Kërkesës – MINT-së, - Inspektorati i Tregut, kundër aktgjykimit të Gjykatës Themelore në Mitrovicë – Dega në Skenderaj – Departamenti i Përgjithshëm - Divizioni i Kundërvajtjes, K.nr. 510/2021, të datës 24.04.2023, në bazë të nenit 55 par. 3 dhe nenit 78, konform të nenit 143 par. 1 dhe par. 2, të Ligjit për Kundërvajtje, Nr. 05/L-087, më datë 31.05.2023, mori këtë:

A K T G J Y K I M

APROVOHET si pjesërisht e bazuar ankesa e paraqitur nga Ushtruesi i Kërkesës – MINT-së, - Inspektorati i Tregut, dhe
NDRYSHOHET aktgjykimi i Gjykatës Themelore në Mitrovicë – Dega në Skenderaj - Departamenti i Përgjithshëm - Divizioni i Kundërvajtjes, K.nr. 510/2021, i datës 24.04.2023, konform nenit 5 të LK-së, **sa i përket cilësimit juridik**, ashtu që vepra kundërvajtëse për të cilën Subjekti Ekonomik - Person juridik "AMV HOLDING" SH.P.K, me seli në fshatin Banjë – Komuna e Vushtrisë, me pronar Labinot Hasanin, është shpall përgjegjëse cilësohet si vepër kundërvajtëse nga neni 6 par. 2 pika 2.7 sanksionuar sipas nenit 19 par. 1 dhe par. 2 pika 2.1 të Ligjit Nr. 08/L-018 për Tregti me Produktet të Naftës dhe Karburanteve të Ripërtrishme, **si dhe sa i përket gjobë së shqiptuar** ashtu që i shqiptohet dënimi me gjobë në shumë prej **3000(tremijë)€**, të cilën ka për ta paguar në afat prej 15 ditësh, nga dita e plotfuqishmërisë së këtij aktgjykimi, në të kundërtën nëse gjobën e shqiptuar nuk e paguan në afatin e caktuar e njëjta do të arkëtohet me dhunë sipas Ligjit për Procedurën Përmbarimore.

Në pjesën tjetër aktgjykimi mbetet i njëjtë.

Nga një kopje të këtij aktgjykimi duhet dorëzuar palëve.

Arsyetim

Gjykata Themelore në Mitrovicë – Dega në Skenderaj - Departamenti i Përgjithshëm - Divizioni i Kundërvajtjes, duke vendosur sipas Kërkesës për fillimin e procedurës kundërvajtëse të ushtruar nga ana e MINT-së - Inspektorati i Tregut, në Prishtinë, me numër të Ref. 19/20 të datës 07.07.2021, e me numër të Protokollit 5028, me aktgjykim K.nr. 510/2021, të datës 24.04.2023, të pandehurën Subjektin ekonomik – si person juridik “AMV HOLDING” SH.P.K, me seli në fshatin Banjë – Komuna e Vushtrisë, e ka shpallë përgjegjëse sepse:

-me datë 03.06.2021, rreth orës 11:30, gjatë inspektimit të kryer nga ana e Inspektoratit të Tregut të MTI-së, të Subjektit ekonomik - person juridik “AMV HOLDING” SH.P.K, me seli në fshatin Banjë – Komuna e Vushtrisë, është konstatuar se ushtron veprimtarinë ekonomike pa Licencë për shitje me pakicë të GLN-së, me ç veprim i pandehuri ka kryer kundërvajtje nga neni 4 të Ligjit Nr. 2004/05 për Tregtinë me Naftë dhe Derivate të Naftës në Kosovë, e sanksionuar sipas nenit 14 par.1 të Ligjit Nr. 03/L-138 për Ndryshimin dhe Plotësimin të Ligjit Nr. 2004/05 për Tregtinë me Naftë dhe Derivate të Naftës në Kosovë, tani e ricilësuar sipas nenit 6 par. 2 pika 2.7 sanksionuar sipas nenit 19 par. 1 dhe par. 2 pika 2.1 të Ligjit Nr. 08/L-018 për Tregtinë me Produktet të Naftës dhe Karburanteve të Ripërtitshme, pasi që Ligji në fuqi, është më i favorshëm për të pandehurën, e i ka shqiptuar dënim me gjobë në shumë prej 1000(njëmijë)€, të cilën obligohet ta paguaj në afat prej 15 ditësh, nga dita e plotfuqishmërisë së aktgjykimit, në të kundërtën gjoba e shqiptuar do të arkëtohet me dhunë sipas dispozitave të Ligjit për Procedurën Përmbarimore.

Me të njëjtin aktgjykim është obliguar i pandehuri që në emër të paushallit gjyqësor – shpenzimeve gjyqësore të paguaj shumën prej 5(pesë)€, në afat të njëjtë sikurse edhe gjobën konform nenit 59 të Lk-së.

Kundër këtij aktgjykimi ka paraqitur ankesë Ushtruesi i Kërkesës MINT – Inspektorati i Tregut, për shkak të vërtetimit të gabuar dhe jo të plotë të gjendjes faktike, aplikimit të gabuar të së drejtës materiale dhe aplikimit të gabuar të procedurës kundërvajtëse.

Në arsyetimin të ankesës veç tjerash thekson se: gjykata gabimisht ka aplikuar të drejtën materiale, sepse subjekti në fjalë ka kryer kundërvajtjen nga neni 4 par. 1 të Ligjit 2004/5 për Tregtinë me Naftë dhe Derivate të Naftës në Kosovë, në të cilin ceket se: “ Asnjë person nuk mund të merret me import ose shitje të derivateve të naftës, brenda kapaciteteve të shitjes me shumicë dhe pakicë, për qëllime afariste, pa një licencë aktuale të lëshuar nga Zyra e Licencimit”, nga Ministria e Tregtisë dhe Industrisë, si dhe sanksionohet sipas nenit 14 paragrafi 14.1 të Ligjit për Ndryshimin dhe Plotësimin të Ligjit për Tregtinë me Naftë dhe Derivate të Naftës në Kosovë Nr. 03/L-138, me gjobë prej 10.000 € deri në 30.000 €, personi juridik i cili zhvillon veprimtarinë pa licencë. Konsiderojnë se ky dënim me gjobë është plotësisht në kundërshtim me ligjin për Tregtinë me Naftë dhe Derivate të Naftës në Kosovë dhe si i tillë nuk e arrin qëllimin e ndëshkimit. Po ashtu konsideron se ka shkelje pasi që inspektorët e tregut nuk janë ftuar në seancë gjyqësore fare për tu deklaruar.

I propozon Gjykatës se Apelit - Divizioni i Kundërvajtjes, që ankesën ta aprovoj si të bazuar, aktgjykimin e goditur ta Anuloj dhe lëndën ta kthej në rivendosje në gjykatën e shkallës së parë.

Kolegji i kësaj Gjykate, duke i vlerësuar thëniet në ankesën e paraqitur, aktgjykimin e goditur, në bazë të deklaratës së pronarit Labinot Hasani, si Përfaqësues i të pandehurës të dhënë pranë Gjykatës së shkallës së parë, në Procesverbal të datës 24.04.2023, i cili ka deklaruar se është e vërtetë se Licenca për shitjen me pakicë të GLN, në kohën e inspektimit ka qenë e skaduar dhe për shkak të disa problemeve me vonesë e kanë bërë kërkesën për vazhdimin e Licencës në tjetër, tani janë pajisur me Licencë NR. 10011-00-17-10-0722 e cila është valide prej 18.08.2021 deri më 17.08.2023, në bazë të Procesverbalit të Inspektimit Nr. 19/ 0000425 të datës 03.06.2021, Licencës për Biznes në Sektorin e Naftës për shitje me pakicë të GLN-së, me afatë të vlefshmërisë së Licencës prej 18.08.2021 deri më 17.08.2023, si dhe në bazë të shkresave tjera të lëndës padyshim se e ka vërtetuar gjendjen faktike se i pandehuri ka kryer vepër kundërvajtëse nga neni 6 par. 2 pika 2.7 sanksionuar sipas nenit 19 par. 1 dhe par. 2 pika 2.1 të Ligjit Nr. 08/L-018 për Tregti me Produktet të Naftës dhe Karburanteve të Ripërtitshme, të cilën gjykata bazuar në nenin 5 të LK-së, e ka ri – kualifikuar, po ashtu te përkufizimet në Ligjin Nr. 08/L-018 për Tregti me Produktet të Naftës dhe Karburanteve të Ripërtitshme, në nenin 3 par. 1 pika 1.6. thotë citim: “karburantet e naftës - karburantet e përfituara nga nafta, siç janë dizelli, benzina, karburanti në fushën e aviacionit, gazi i lëngëzuar i naftës, (GLN) gazoili, vaji i rëndë për nxehtë, vajguri, koksi i naftës dhe produktet e tjera për djegie, që do të thotë se GLN-së, është Karburant i naftës, andaj për këtë kundërvajtje mban përgjegjësi kundërvajtëse.

Kolegji konstaton se pretendimet ankimore të ushtruesit të Kërkesës - ankesës janë të bazuara, në ç rast mori parasysh peshën dhe rrezikshmërinë e veprës së kryer, andaj gjoha e shqiptuar nga gjykata e shkallës së parë me aplikim të nenit 35 të LK-së, në shumë prej 1000 €, nuk është adekuate me shkallën e përgjegjësisë, peshën, rrezikshmërinë, pasojat në ç rast si pasojë vendimi mbi dënimin ka mbetur i pa bazuar në prova bindëse të cilat do të mund të arsyetonin shqiptimin e dënimit me gjobë në shumë prej 1000 €.

Si rrjedhojë e të cekurave më lartë Kolegji e NDRYSHOJ aktgjykimin e goditur, sa i përket cilësimit juridik duke aplikuar Ligjin në fuqi, i cili është më i favorshëm për të pandehurën si dhe sa i përket gjobës së shqiptuar, ashtu që të pandehurit subjektit ekonomik person juridik “AMV HOLDING” SH.P.K, me seli në fshatin Banjë – Komuna e Vushtrrisë, i shqiptoi gjobën në shumë prej 3000(tremijë)€, (nën minimumin e paraparë ligjor që është 5000€), duke marrë parasysh shkallën e përgjegjësisë së të pandehurit, peshën, rrezikshmërinë, pasojat e veprës së kryer, duke konsideruar se me gjobën e shqiptuar tani do të arrihet qëllimi i ndëshkimit ashtu që i pandehura në të ardhmen të mos kryej vepra kundërvajtëse të njëjta apo të ngjashme.

Në vështrim të nenit 143 par. 1 dhe par. 3 të LK-së, u vendos si në dispozitiv të këtij aktgjykimi.

Kundër këtij aktgjykimi nuk është e lejuar ankesa.

GJYKATA E APELIT E KOSOVËS
Ka. nr. 222/2023, me datë 31.05.2023

